

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA

*Obrađivač:*

*Služba za imovinsko-pravne,  
geodetske poslove i katastar  
nekretnina*

**PRIJEDLOG**

\*\*\*\*\*

**O D L U K A**  
**O UTVRĐIVANJU JAVNOG INTERESA**

\*\*\*\*\*

*Zenica, avgust 2019. godine*

*Rješavajući po prijedlogu JP „ELEKTROPRIVREDA Bosne i Hercegovine“ d.d. Sarajevo za utvrđivanje javnog interesa za izgradnju Hidroelektrane (HE) „Janjići na rijeci Bosni“, na osnovu člana 14. stav (4) i (16) Zakona o eksproprijaciji („Službene novine Federacije BiH“, broj: 70/07, 36/10, 25/12) i člana 21. Statuta Grada Zenica („Službene novine Grada Zenica“, broj: 5/15), Gradsko Vijeće Zenica, na \_\_\_\_\_ sjednici održanoj dana \_\_\_\_\_ 2019. godine, donijelo je sljedeću*

## **O D L U K U**

### **O UTVRĐIVANJU JAVNOG INTERESA**

- 1. Utvrđuje se da je od javnog interesa izgradnja Hidroelektrane (HE) „Janjići na rijeci Bosni“, a na zemljištu poblje označenom u Elaboratu eksproprijacije od novembra 2015. godine, koji čini sastavni dio ove odluke.*
- 2. Određuje se da je korisnik eksproprijacije JP „ELEKTROPRIVREDA Bosne i Hercegovine“ d.d. Sarajevo.*
- 3. Na osnovu ove odluke Služba za imovinsko-pravne, geodetske poslove i katastar nekretnina Grada Zenica može pristupiti provođenju postupka eksproprijacije zemljišta navedenog u posebnom prilogu - Elaboratu.*
- 4. Ova odluka je konačna u upravnom postupku, ali se tužbom protiv iste može pokrenuti upravni spor kod Kantonalnog suda u Zenici u roku od 30 dana od dana dostavljanja odluke. Tužba se podnosi neposredno sudu.*

### **O b r a z l o ž e n j e**

*Na prijedlog JP „ELEKTROPRIVREDA Bosne i Hercegovine“ d.d. Sarajevo, Služba za imovinsko pravne, geodetske poslove i katastar nekretnina dostavila je Gradskom vijeću Prijedlog Odluke o utvrđivanju javnog interesa za izgradnju Hidroelektrane (HE) „Janjići na rijeci Bosni“, na zemljištu poblje označenom u Elaboratu eksproprijacije od novembra 2015. godine, koji čini sastavni dio ove odluke.*

*Predlagač je uz prijedlog dostavio Elaborat eksproprijacije od novembra 2015. godine, sačinjen od strane "GEOS" d.o.o. Zenica i "ZEDIS" d.o.o. Zenica.*

*Uvidom u prijedlog za utvrđivanje javnog interesa proizilazi da se razlozi kojim se traži donošenje ove odluke ogledaju u sljedećem:*

*Proizvodnja električne energije iz hidropotencijala rijeke Bosne predstavlja zelenu energiju, koja u procesu proizvodnje ne stvara štetne gasove i toksične misije, pa će izgradnja hidroelektrane umanjiti stvaranje dodatnog onečišćenja, kao i negativan uticaj na okoliš, a povećati kapacitete za proizvodnju električne energije.*

*Polazeći od odredaba:*

*- člana 14. stav (4) Zakona o eksproprijaciji („Službene novine Federacije BiH“, broj: 70/07, 36/10 i 25/12) kojim se propisuje da: „Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu s planskim dokumentima prostornog uređenja.“*

*- člana 16. istog zakona kojim se propisuje da: „Prijedlog za utvrđivanje javnog interesa za eksproprijaciju podnosi lice koje prema odredbama ovog zakona može biti korisnik eksproprijacije. Prijedlog za utvrđivanje javnog interesa podnosi se Vladi, odnosno Vladi kantona ili općinskom vijeću, putem federalnog, kantonalnog organa uprave ili općinske službe za upravu za imovinskopravne poslove, a sadrži elborat eksproprijacije (geodetsko- katastarski plan, područja eksproprijacije, podatke o nekretninama za koje se predlaže utvrđivanje javnog interesa, procjenu vrijednosti nekretnina, cilj eksproprijacije i druge podatke za utvrđivanje javnog interesa). Nadležni organ je dužan o prijedlogu za utvrđivanje javnog interesa odlučiti u roku od 60 dana od dana prijema prijedloga. Aktom o utvrđivanju javnog interesa, u skladu sa odredbama ovog člana, odredit će se i korisnik eksproprijacije. Protiv akta o utvrđivanju javnog interesa može se pokrenuti upravni spor kod nadležnog suda, osim u slučajevima iz člana 15. ovog zakona.“*

*- člana 21. tačka 7) Statuta Grada Zenica („Službene novine Grada Zenica“, broj: 5/15) koji glasi: „Gradsko vijeće u okviru svoje nadležnosti: donosi odluke o upravljanju i raspolaganju imovinom Grada“, Gradsko vijeće Grada Zenica smatra da je predlagač ispunio uslove za utvrđivanje javnog interesa, pa je na osnovu utvrđenog činjeničnog stanja, a u skladu s naprijed citiranim odredbama Zakona o eksproprijaciji odlučeno kao u dispozitivu ove odluke.*

*Ova odluka je konačna u upravnom postupku.*

Broj: \_\_\_\_\_

Zenica, \_\_\_\_\_ 2019. godine

**PREDSJEDAVAJUĆA  
GRADSKOG VIJEĆA**

*Diana Bešić*

